

四庫全書

集部

欽定四庫全書

御定全唐詩
卷三百四十四

和席八

夢十二韻

元和十一年夢
與愈同掌制誥

絳闕銀河曙東風右掖春官隨名共美花與思俱新綺
陌朝遊間綾衾夜直頻橫門開日月高閣切星辰庭變
寒前草天銷霽後塵溝聲通苑急柳色壓城勻綸綍謀
猷盛丹青步武親芳菲含斧藻光景暢形神傍砌看紅
藥巡池詠白蘋多情懷酒伴餘事作詩人倚玉難藏拙
吹竽久混真坐慙空自老江海未還身

和武相公早春聞鶯

欽定四庫全書

御定全唐詩卷三百四十四

韓愈

送李尚書遜赴襄陽八韻得長字

帝憂南國切，改命付忠良。
壤畫星搖動，旗分獸簸揚。
五營兵轉肅，千里地還方。
控帶荆門遠，飄浮漢水長。
賜書寬屬郡，戰馬隔隣疆。
縱獵雷霆迅，觀棋玉石忙。
風流峴首客，花艷大堤倡。
富貴由身致，誰教不自強。

早晚飛來入錦城誰人教解百般鳴春風紅樹驚眠處
似妬歌童作艷聲

遊太平公主山莊

此首前有太安池一首不載洪邁唐人絕句此首題即作

太安池

公主當年欲占春故將臺榭押一作壓城闌欲知前面花
多少直到南山不屬人

晚春

誰收春色將歸去慢綠妖紅半不存榆莢祇能隨柳絮

等閒撩亂走空園

大行皇太后挽歌詞三首

憲宗母莊
憲皇后也

一紀尊名正三時孝養榮高居朝聖主厚德載羣生武
帳虛中禁玄堂掩太平秋天笳鼓歇松柏徧山鳴

威儀備吉凶文物雜軍容配地行新祭因山託故封鳳
飛終不返劍化會相從無復臨長樂空聞報曉鐘

追攀萬國來警衛百神陪畫翼登秋殿容衣入夜臺雲
隨僊馭遠風助聖情哀只有朝陵日妝奩一暫開

廣宣上人頻見過

三百一

一作十

六旬長擾擾不衝風雨即塵埃久慙

一作爲

朝

士無裨補空愧高僧數往來學問窮年何所得吟詩竟
日未能迴天寒古寺遊人少紅葉窗前有幾堆

閒遊二首

雨後來更好繞池徧青青柳花閒度竹菱葉故穿萍獨
坐殊未厭孤斟詎能醒持竿至日暮幽詠欲誰聽

茲遊苦不數再到遂經旬萍蓋汙池淨藤籠老樹新林

鳥一作鶯鳴訝客岸竹長遮鄰子雲祇自守奚事九衢塵

酬馬侍郎寄酒

馬總也

一壺情所寄四句意能多秋到無詩酒其如月色何

和侯協律詠笋

侯喜也

竹亭人不到新笋滿前軒乍出真堪賞初多未覺煩成
行齊婢僕環立比兒孫驗長常攜尺愁乾屢側盆對吟
忘膳飲偶坐變朝昏滯雨膏腴濕驕陽氣候溫得時方
張王並去聲扶勢欲騰騫見角牛羊沒看皮虎豹存攢生

猶有隙散布忽無垠

一作痕

詎可持籌算誰能以理言縱

橫公占地羅列暗連根狂劇時穿壁橫

一作羣

強幾觸藩

深潛如避逐遠去若追奔始訝妨人路還驚入藥園萌

芽防寢大覆載莫偏恩已復侵危砌非徒出短垣身寧

虞瓦礫計擬拚蘭蓀且歎高無數庸知上幾番短長終

不校先後竟誰論外恨苞藏密中仍節目繇暫須迴步

履要取助盤飧穰穰疑翻地森森競塞門戈矛頭戢戢

蛇虺首掀掀婦孺咨料

音聊

揀兒癡謁盡髡侯生來慰我

詩句讀驚魂屬和才將竭呻吟至日暝

過鴻溝

龍疲虎困割川原
億萬蒼生性命存
誰勸君王回馬首
真成一擲賭乾坤

送張侍郎

張賈時自兵
侍為華州

司徒東鎮馳一作持書
謁丞相西來走馬迎
兩府元臣今

轉密一方逋寇不難平

贈刑部馬侍郎

馬總時副
晉公東征

紅旗照海壓南荒
徵入中臺作侍郎
暫從相公平小寇
便歸天闕致時康

奉和裴相公東征
途經女几山下作

旗穿曉日雲霞雜
山倚秋空劍戟明
敢請相公平賊後
暫攜諸吏一作史上崢嶸

郾城晚飲奉贈副使馬侍郎及馮宿李宗二員

外馮李時從
裴度東征

城上赤雲呈勝氣
眉間黃色見歸期
幕中無事惟須飲

即日連鑣向闕時

酬別留後侍郎

蔡平命馬
總為留後

為文無出相如右謀帥難居卻穀先歸去雪銷漆洧動
西來旌旆拂晴天

同李二十八夜次襄城

李正
封也

周楚仍連接川原乍屈盤雲垂天不暖塵漲雪猶乾印
綬歸台室旌旗別將壇欲知迎候盛騎火萬星攢

同李二十八員外從裴相公野宿西界

四面星辰著地明
散燒煙火宿天兵
不關破賊須歸奏
自趁新年賀太平

過襄城

鄆城辭罷過襄城
潁水嵩山刮眼明
已去蔡州三百里
家人不用遠來迎

宿神龜招李二十八馮十七

龜下或有驛字

荒山野水照斜暉
啄雪寒鴉起始一作影
飛夜宿驛亭愁

不睡幸來相就蓋征衣

次硤石

儲本硤作峽

數日方離雪今朝又出山試憑高處望隱約見潼關

和李司勳過連昌宮

夾道疎槐出老根高甍巨桷壓山原宮前遺老來相問
今是開元幾葉孫

次潼關先寄張十二閣老使君

張賈也

荆山已去華山來日出

一作照

潼關四扇

一作面

開刺史莫

辭

一作嫌

迎候遠相公親

一作新

破蔡州迴

次潼關上都統相公

韓弘也

暫辭堂印執兵權
盡管諸軍破賊年
冠蓋相望催入相
待將功德格皇天

桃林夜賀晉公

西來騎火照山紅
夜宿桃林臘月中
手把命珪兼相印
一時重疊賞元功

送李員外院長分司東都

去年秋露下羈旅
逐東征今歲春光
動驅馳別上京
飲

中相顧色送後獨歸情兩地無千里因風數寄聲

晉公破賊回重拜台司以詩示幕中賓客愈奉

和

南伐旋師太華東天書夜到冊元功將軍舊壓三司貴
相國新兼五等崇鸛鷺欲歸仙仗裏熊羆還入禁營中
長慙典午非材職得就閒官即至公

獨釣

或作酌

四首

侯家林館勝偶入得垂竿曲樹行藤角平池散芡盤羽

沈知食駛緝細覺牽難聊取夸兒女榆條繫從鞍
一逕向池斜池塘野草花雨多添柳耳水長減蒲芽坐
厭親刑柄偷來傍釣車太平公事少吏隱詎相賒
獨往南塘上秋晨景氣醒露排四岸草風約半池萍鳥
下見人寂魚來聞餌馨所嗟無可名不得倒吾餅
秋半百物變溪魚去不來風能坼芡菰露亦染梨腮遠
岫重疊出寒花散亂開所期終莫至日暮與誰迴

枯樹

老樹無枝葉風霜不復侵腹穿人可過皮剥蟻還尋寄
託惟朝菌依投絕暮禽猶堪持改火未肯但空心

元日酬蔡州馬十二尚書去年蔡州元日見寄
之什

元日新詩已去年蔡州遙寄荷相憐今朝縱有誰人領
自是三峯一作冬不敢眠

詠燈花同侯十一

今夕知何夕花然錦帳中自能當雪暖那肯待春紅黃

裏排金粟釵頭綴玉蟲更煩將喜事來報主人公

祖席前字

送王涯徙袁州刺史作

祖席洛橋邊親交共黯然野晴山簇簇霜曉菊鮮鮮書
寄相思處
枯銜欲別前淮陽知不薄終願早迴船

秋字

淮南悲木落而我亦傷秋況與故人別那堪羈宦愁榮
華今異路風雨昔同憂莫以宜春遠江山多勝遊

送鄭尚書

權

赴南海

番

音潘 禺 愚

軍府盛欲說暫停柝蓋海旂幢出連天觀閣

開衙時龍戶集上日馬人來風靜鷄鵠去官廉蚌蛤迴

貨通師子國樂奏武王臺事事皆殊異無嫌屈大才

荅道士寄樹雞

樹雞木耳之大者

軟濕青黃狀可猜欲烹還喚木盤迴煩君自入華陽洞

直割乖龍左耳來

柳宗元龍城志茅山道士吳緯採藥於華陽洞口見一兒手把三珠戲於

松下緯從之奔入洞中化為龍以三珠填左耳中緯劇其耳而失其珠馮贄雲仙雜記天罰乖龍必割其耳

左遷至藍關示姪孫湘

湘愈姪十二郎之子登長慶三年進士第

一封朝奏九重天夕貶潮州

一作陽

路八千欲為聖朝除

弊事肯將衰朽惜殘年雲橫秦嶺家何在雪擁藍關馬
不前知汝遠來應有意好收吾骨瘴江邊

武關西逢配流吐蕃

謫潮州時
逢中作

嗟爾戎人莫慘然湖南地近保生全我今罪重無歸望
直去長安路八千

次鄧州界

潮陽南去倍長沙戀闕那堪又憶家心訝愁來惟貯火

眼知別後自添花
商顏暮雪逢人少
鄧鄩春泥見驛賒
早晚王師收海嶽
普將雷雨發萌芽

題臨瀧寺

不覺離家已五千
仍將衰病入瀧船
潮陽一作州未到吾

能一作人先說海氣昏昏水拍天

晚次宣溪辱韶州張端公使君惠書叙別酬以

絕句二章

英華題作
晚次宣溪

韶州南去接宣溪
雲水蒼茫日向西
客淚數行先一作元

自落鷓鴣休傍耳邊啼

兼金那足比清文百

一作白

首相隨媿使君俱是嶺南巡

管內莫欺荒僻斷知聞

題秀禪師房

橋夾水松行百步竹牀

一作林

莞席到僧家暫拳一手支

頭卧還把魚竿下釣

一作晚

沙

將至

一作入

韶州先寄張端公使君借圖經

曲江山水聞來久恐不知名訪倍

一作更

難願借圖經將

入界每逢佳處便開看

過始興江口感懷

大歷十四年起居舍人韓會以罪貶韶州刺史愈隨會而

遷時年十歲至是貶潮州道過始興有感而作

憶作兒童隨伯氏南來今只一身存
目前百口還相逐舊事無人可共論

韶州留別張端公使君

時憲宗元和十四年十月

來往再逢梅柳新
別離一醉綺羅春
久欽江總文才妙
自歎虞翻骨相屯
鳴笛急吹爭一作催落日清歌緩送款

一作感

行人已知奏課當徵拜那復淹留詠白蘋

從潮州量移袁州張韶州端公以詩相賀因酬

之

時憲宗元和十四年十月

明時遠逐事何如遇赦移官罪未除北望詎今隨塞雁
南遷纔免葬江魚將經貴郡煩留客先惠高文謝起予
暫欲繫船韶石下上賓虞舜整冠裾

次石頭驛寄江西王十中丞閣老

仲舒也時為江南西道觀

察使愈自袁還朝作寄

憑高試回首

一作
題馬

一望豫章城人由

一作
猶

戀德泣馬亦

別羣鳴寒日夕始照風江

一作
江風

遠漸平默然都不語應

識此時情

遊

一作
題

西林寺題

一作
故

蕭二兄郎中

存

舊堂

自
註

蕭兄有
女出家

中郎有女能傳業伯道無兒可保家偶到匡

一作
廬

山曾

住處幾行衰淚落煙霞

一作今日匡山過舊
隱空將衰淚對煙霞

自袁州還京行次安陸先寄隨州周員外

周君
巢也

時為隨
州刺史

行行指漢東暫喜笑言同
雨雪離江上蒹葭出夢中
面猶含瘴色眼已見華風
歲暮難相值酣歌未可終

題廣昌館

在隨州棗陽縣南

白水龍飛已幾春偶逢

一作尋

遺跡問耕人
丘墳發掘當

官路

一作道

何處南陽有近親

寄隨州周員外

陸孟丘楊久作塵

愈與陸長源孟叔度丘穎楊凝及君巢同為董晉幕客

同時存

者更何人金丹別後知傳得乞取刀圭救病身

周好金丹服餅

術之

酒中留上襄陽李相公

李逢吉也愈元和十一年正月為中書舍人而

逢吉以其年二月自舍人拜相

濁水汙泥清路塵還曾同制掌絲綸眼穿長訝雙魚斷

耳熱何辭數爵頻銀燭未銷窗送曙金釵半醉

一作墮座

添春知公不久歸釣軸應許閒官寄病身

去歲自刑部侍郎以罪貶潮州刺史乘驛赴任

一作
之官

其後家亦譴逐小女道死殯之層峰驛旁

一作
之

山下蒙恩還朝

一作
今

過其墓留題驛梁

數條藤束木皮棺草殯荒山白骨寒驚恐入心身已病

扶舁

音余

沿路衆知難繞墳不暇號三匝設祭惟聞飯一

盤致汝無辜由我罪百年慙痛淚闌干

賀張十八秘書得裴司空馬

或作酬張秘書
因騎馬贈詩

司空遠寄養初成毛色桃花眼鏡明落日已曾交轡語
春風還擬竝鞍行長令奴僕知飢渴須著賢良待性情

旦夕公歸伸拜謝免勞騎去逐雙旌

杏園送張徹侍御

一作郎

歸使

東風花樹下送爾出京城久抱傷春意新添惜別情歸來身已病相見眼還明更遣將詩酒誰家逐後生

雨中寄張博士籍侯主簿喜

放朝還不報半路跼泥歸雨慣曾無節雷頻自失威見牆生菌徧憂麥作蛾飛歲晚徧蕭索誰當救晉饑

奉和兵部張侍郎

賈

酬鄆州馬尚書

總

祇召途

中見寄開緘之日馬帥已再領鄆州之作

來朝當路日承詔改轅時再領須句音劬國仍遷少昊司

總加檢校
刑部尚書

暖風抽宿麥清雨卷歸旗賴寄新珠玉長吟

慰我思

早春與張十八博士籍遊楊尚書林亭寄第三

閣老兼呈白馮二閣老

白居易馮宿也第三閣老楊於陵之子嗣復也

牆下春渠入禁溝渠冰初破滿渠浮鳳池近日長先暖

流到池時更

一作見

不流

奉使常山早次太原呈副使吳郎中

愈使鎮州
吳丹以駕

部郎中

副行

朗朗聞街鼓晨起似朝時
翻翻走驛馬春盡是歸期
地失嘉禾處風存蟋蟀詞
暮齒良多感無事涕垂頤

夕次壽陽驛題吳郎中詩後

風光欲動別長安
春半城邊特地寒
不見園花兼巷柳
馬頭惟有月團團

鎮州初歸

別來楊柳街頭樹擺弄

一作撼

春風只欲飛還有小園桃

李在留花不發待郎歸

同水部張員外籍曲江春遊寄白二十二舍人
漠漠輕陰晚自開青天白日映樓臺曲江水滿花千樹
有底忙時不肯來

和水部張員外宣政衙賜百官櫻桃詩

漢家舊種明光殿炎帝還書本草經豈似滿朝承雨露
共看傳賜出青冥香隨翠籠擎初到

一作動

色映

一作照

銀

盤寫

一作瀉

未停食罷自知無所報空然慙汗仰皇局

早春呈水部張十八員外二首

天街小雨潤如酥草色遙看近却無最是一年春好處

絕勝煙

一作花

柳滿皇都

莫道官忙身老大即無年少逐春心憑君先到江頭看
柳色如今深未深

送桂州嚴大夫同用南字

嚴謨也題下或有赴任二字

蒼蒼森八桂茲地在湘南江作青羅帶山如碧玉簪

音簪

戶多輸翠羽家自種黃甘遠勝登僊去飛鸞不假驂

奉酬天平馬十二僕射暇日言懷見寄之作

馬總

時為鄆曹濮等州
觀察使軍曰天平

天平篇什外政事亦無雙威令加徐土儒風被魯邦清
為公論重寬得士心降歲晏偏相憶長謠坐北窗

奉使鎮州行次承天行營奉酬裴司空

時穆宗
長慶二

年

竄逐三年海上歸逢公復此著征衣旋吟佳句還鞭馬

恨不身先去鳥飛

鎮州路上謹酬裴司空相公重見寄

銜命山東撫亂師日馳三百自嫌遲風霜滿面無人識
何處如今更有詩

奉和僕射裴相公感恩言志

穆宗長慶二年裴度罷李逢吉為相

文武功成

一作成功

後居為百辟師林園窮勝事鐘鼓樂清

時擺落遺高論雕鐫出小詩自然無不可范蠡爾其誰

和僕射相公朝廻見寄

時牛李黨熾裴度介其間累遭謗讟故愈詩有

高蹈
之語

盡瘁年將久公今始暫閒事隨憂共減詩與酒俱還放
意衡機外収身矢石間秋臺風日迴正好看前山

奉和李相公題蕭家林亭

逢吉也

山公自是林園主歎惜前賢造作時巖洞幽深門盡鎖
不因丞相幾人知

奉和杜相公太清宮紀事陳誠上李相公十六

韻

杜元穎也太清宮玄元皇帝廟

耒耜興姬國輔

丑倫切

標

力追切

建夏家在功誠可尚於道

詎為華象帝威容大僊宗寶歷賒衛門羅戟樂圖壁雜

龍蛇禮樂追尊盛乾坤降福遐四真皆齒列

天寶元年親享玄元

皇帝於新廟以莊子為南華真人文子為通玄真人列子為冲虛真人庚桑子為洞虛真人配享

二聖

亦肩差

初太清宮成命工於太白山採白石為玄元真像南面玄宗肅宗像侍立左右

陽月時

之首陰泉氣未牙殿階鋪水碧庭炬坼金葩紫極觀忘

倦青詞奏不譁嘈

音鈔

宏

宮夜闌嘈

才曷切

獻

才曷切

鼓晨撾

陽瓜

切褻味陳奚取名香薦孔嘉垂祥紛可錄俾壽浩無涯

貴相山瞻峻清文玉絕瑕代工聲問遠攝事敬恭加皎
潔當天月歲綈捧日霞唱妍酬亦麗俛仰但稱嗟

御定全唐詩卷三百四十四

欽定四庫全書

御定全唐詩卷三百四十五

韓愈

鄆州谿堂詩

馬總為鄆曹濮節度觀察等使為堂於居之西北隅號曰谿堂以下

四首從天
集錄入

帝奠九壺

與屋同

有葉有年有荒不

一作有

條河岱之間及

我憲考一収

一作牧

正之視邦選侯以公來尸公來尸之

人始未信公不飲食以訓以徇孰飢無食孰呻孰歎孰

寬不問不得分願孰為邦蠱

一作蟬

節根之螟羊狼狼貪

以口覆城吹之煦之摩手拊之箴

一作針

之石之膊而磔

之凡公四封既富以彊謂公吾父孰違公令可以師征

不寧守邦公作谿堂播播流水淺有蒲蓮深有葭葦公

以賓燕其鼓駭駭公燕谿堂賓校醉飽流有跳魚岍有

集鳥既歌以舞其鼓考考公在谿堂公御琴瑟公暨賓

贊稽經諏律施用不差人用不屈谿有賓

與萍同

茨

與菰同

有龜有魚公在中流右詩左書無我戮遺此邦是庶

送張道士

大匠無棄材尋尺各有施況當營都邑杞梓用不疑張
侯嵩高來面有熊豹姿開口論利害劍鋒白差差恨無

一尺捶

一作
箠

為國管羗夷詣闕三上書臣非黃冠師臣

有膽與氣不忍死茅茨又不媚笑語不能伴兒嬉乃著
道士服衆人莫臣知臣有平賊策狂童不難治其言簡
且要陛下幸聽之天空日月高下照理不遺或是章奏
繁裁擇未及斯寧當不埃報歸袖風披披荅我事不爾

吾親屬吾思昨宵夢倚門手取連環持今日有書至又
言歸何時霜天熟柿栗收拾不可遲嶺北梁可構寒魚
下清伊一作潞既非公家用且復還其私從容進退間無
一不合宜時有利不利雖賢欲奚為但當勵前操富貴
非公誰

送鄭十校理得洛字

鄭餘慶子瀚本名涵以文宗藩邸時名同改名瀚貞

元十年進士長安尉集賢校理愈以元和四年六月為都官員外郎分司東都涵來寧愈於其

序以送之

相公倦台鼎分正

一作政

新邑洛才子富文華校讐天祿

閣壽觴佳節過歸騎春衫薄鳥哢正交加楊花共紛泊

親交

一作交親

誰不羨去去翔寥廓

送陸欽州慘

我衣之華兮我佩之光陸君之去兮誰與翱翔歛此大
惠兮施於一州今其去矣胡不為留我作此詩歌於遠
道無疾其驅天子有詔

送汴州監軍俱文珍

董晉為汴州陳留郡節度使治汴州俱文珍為監軍

愈為觀察推官文珍將如京師作序
并詩送之 此首從外集文內錄入

奉使羗池靜臨戎汴水安
冲天鵬翅濶報國劍鉞寒
曉日驅征騎春風詠采蘭
誰言臣子道忠孝兩全難

贈崔立之

以下十五首見外集

昔年十日雨子桑苦寒飢
哀歌坐空室一作處不怨但

自悲其友名子輿忽然憂
且思褰裳觸泥水裏飯往食

之入門相對語天命良不疑
好事漆園吏書之存雄詞

千年事已遠二子情可推
我讀此篇日正當寒一作雨雪

時吾身固已困吾友復何為薄粥不足裹深泥諒難馳
曾無子輿事空賦子桑詩

海水

一有詩字

海水非不廣鄧林豈無枝風波一蕩薄魚鳥不可依海
水饒大波鄧林多驚風豈無魚與鳥巨細各不同海有
吞舟鯨鄧有垂天鵬苟非鱗羽大蕩薄不可能我鱗不
盈寸我羽不盈尺一木有餘陰一泉有餘澤我將辭海
水濯鱗清冷池我將辭鄧林刷羽蒙籠枝海水非愛廣

鄧林非愛枝風波亦常事鱗羽自不宜一作不疑我鱗日

已大我羽日已脩風波無所苦還作鯨鵬遊

贈河陽李大夫

李尤河陽節度使

四海失巢穴兩都困塵埃感恩由由猶古字通未報惆悵空

一來裘破

一作破裘

氣不暖馬羸

一作羸馬

鳴且哀主人情更重

空使劍鋒摧

苦寒歌

黃昏苦寒歌夜半

一作半夜

不能休豈不有陽春節歲

一作歲節

聿其周

一作歲聿不其周

君何愛重裘兼味養大賢冰食葛製

神所憐

一作誠可憐

填窗塞戶慎勿出暄風暖景明年日

芍藥歌

一本作王司馬紅芍藥歌

大人庭中開好花更無凡木爭春華翠莖紅藥天力與

此恩不屬黃鍾家溫馨熟美鮮香起似笑無言習君子

霜刀剪汝天女勞何事低頭學桃李嬌癡婢子無靈性

一作性靈競挽春衫來比並欲將雙頰一睇

一作稀

紅綠窗磨

徧青銅鏡一尊春酒甘若飴大人此樂無人知花前醉

倒歌者誰楚狂小子韓退之

贈徐州族姪

以下十三首見遺集

我年十八九壯氣起胸中作書獻雲闕辭家逐秋蓬歲
時易遷次身命多厄窮一名雖云就片祿不足充今者
復何事卑棲寄徐戎蕭條資用盡落門巷空朝眠未
能起遠懷方鬱悰繫門者誰子問言乃吾宗自云有奇
術探妙知天工既往悵何及將來喜還通期我語非佞
當為佐時雍

嘲鼾睡

澹師晝睡時聲氣一何猥
頑颺吹肥脂坑谷相崑崙
雄哮乍咽絕每發壯益倍
有如阿鼻尸長喚忍衆罪
馬牛驚不食百鬼聚相待
木枕十字裂鏡面生痂
音肥音品瘡鐵佛聞皺眉
石人戰搖腿孰云天地仁
吾欲責真宰幽尋虱搜耳
猛作濤翻海太陽不忍明
飛御皆情怠乍如彭與黥
呼冤受菹醢又如圈中虎
號瘡兼吼餒雖令伶倫吹
苦韻難可改雖令巫咸招
魂爽難復在何山有靈藥

療此願與採

澹公坐卧時長睡無不穩吾嘗聞其聲深慮五藏損黃
河弄瀆薄梗澀連拙鮪南帝初奮槌鑿竅洩混沌迴然
忽長引萬丈不可忖謂言絕於斯繼出方衮衮幽幽寸
喉中草木森莽音本蓐音付盜賊雖狡獪亡魂敢窺閫鴻蒙
總合雜詭譎騁戾狠乍如鬪呶呶忽若怨懇懇賦形苦
不同無路尋根本何能堙其源惟有土一畚

畫月

玉盃不磨著泥土青天孔出白石補兔入白藏蛙縮肚
桂樹枯株女閉戶陰為陽羞固自古嗟汝下民或敢侮
戲嘲盜視汝目瞽

贈張徐州莫辭酒

莫辭酒此會固難同請看女工機上帛半作軍人旗上
紅莫辭酒誰為君王之爪牙春雷三月不作響戰士豈
得來還家

辭唱歌

抑逼教唱歌不解看艷詞坐中把酒人豈有歡樂姿幸
有伶者婦腰身如柳枝但令送君酒如醉如愁癡聲自
肉中出使人能透隨復遣慳慳者贈金不皺眉豈有長
直夫喉中聲雌雌君心豈無恥君豈是女兒君教發直
言大聲無休時君教哭古恨不肯復吞悲乍可阻君意
艷歌難可為

知音者誠希

知音者誠希念子不能別行行天未曉攜酒踏明月

同竇

年執中

尋劉尊師不過

以同尋師三字為韻愈分得尋

字

秦客何年駐仙源此地深還隨躡鳬騎來訪馭風襟院
閉青霞入松高老鶴尋猶疑隱形坐敢起竊桃心

春雪

片片驅鴻急紛紛逐吹斜到江還作水著樹漸成花越

喜飛

一作非

排瘴胡愁厚

一作原

蓋砂兼雲封洞口助月照

天涯暝見迷巢鳥朝逢失轍車呈豐盡相賀寧止力耕

家

酬藍田崔丞立之詠雪見寄

京城數尺雪寒氣倍當年
泯泯都無地茫茫豈是天
崩奔驚亂射揮霍訝相纏
不覺侵堂陛方應折屋椽
出門愁落道上馬恐平韉
朝鼓矜凌起山齋酩酊眠
吾方嗟此役君乃詠其妍
冰玉清顏隔波濤盛句傳
朝飧思共飯夜宿憶同羣
舉目無非白雄文乃獨玄

潭州泊船呈諸公

夜寒眠半覺鼓笛鬧嘈暗浪春樓堞驚風破竹篙主
人看使範

一作帆
去聲

客子讀離騷聞道松醪賤何須恡錯

刀

飲城南道邊古墓上逢中丞過贈禮部衛員外

少室張道士

偶上城南土骨堆共傾春酒三五杯為逢桃樹相料

音聊

理不覺中丞喝道來

池上絮

池上無風有落暉
楊花晴後自飛飛
為將纖質凌清鏡
濕却無窮不得歸

贈賈島

以下二首見
萬首絕句

孟郊死葬北邙山
從此風雲得暫閒
天恐文章渾斷絕
更生賈島著人間

贈譯經僧

萬里休言道路賒
有誰教汝度流沙
只今中國方多事
不用無端更亂華



御定全唐詩卷三百四十五

欽定四庫全書

集部

御定全唐詩卷三百四十六至九

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官學正臣李巖

謄錄監生臣于時和

欽定四庫全書

御定全唐詩卷三百四十六

王涯

王涯字廣津太原人博學工屬文貞元中擢進士又舉
宏辭調監田尉以左拾遺為翰林學士進起居舍人憲
宗元和初貶虢州司馬徙袁州刺史以兵部員外郎召
知制誥再為翰林學士累遷工部侍郎涯文有雅思永
貞元和間訓誥溫麗多所橐定拜中書侍郎同中書門

下平章事尋罷再遷吏部侍郎穆宗立出為劔南東川
節度使長慶三年入為御史大夫遷戶部尚書鹽鐵轉
運使敬宗寶曆時復出領山南西道節度使文宗嗣位
召拜太常卿以吏部尚書總鹽鐵歲中進尚書右僕射
代郡公久之以本官同中書門下平章事俄檢校司空
魚門下侍郎李訓敗乃及禍集十卷今編詩一卷

享惠昭太子廟樂章

送神

威儀畢陳備樂將闋苞茅酒縮膋蕭香徹宮臣展事肅

雍在列迎精送往厥鑒昭晰

望禁門松雪

宿雲開霽景佳氣此時濃瑞雪凝清禁祥烟冒小松依
栢駕瓦出隱映鳳樓重金闌晴光照瓊枝瑞色封葉鋪
全類玉柯偃乍疑龍詎比寒山上風霜老昔容

廣宣上人以詩賀放榜和謝

延英面奉入春闈亦選功夫亦選奇在治只求金不耗
用心空學杵無私龍門變化人皆望鶯谷飛鳴自有時

獨喜至公誰是證彌天上人與新詩

九月九日勤政樓下觀百僚獻壽

御氣黃花節臨軒紫陌頭
早陽生綵仗霽色入仙樓
獻壽皆鸞鷺瞻天盡冕旒
菊樽過九日鳳歷肇千秋
樂奏薰風起盃酣瑞影收
年年歌舞度此地慶皇休

春遊曲二首

萬樹江邊杏新開一夜風滿園
深淺色照在綠波中
上苑何窮樹花間次第新
香車與絲騎風靜亦生塵

太平詞

風俗今和厚君王在穆清行看采華曲盡是泰階平

送春詞

日日人空老年年春更歸相歡在尊酒不用惜花飛

塞上曲二首

天驕遠塞行出鞘寶刀鳴定是酬恩日今朝覺命輕

塞虜常為敵邊風已報秋平生多志一作意氣箭底覓封

侯

隴上行

負羽到邊州鳴笳度隴頭雲黃知塞近草白見邊秋

思君恩

雞鳴天漢曉鶯語禁林春誰入巫山夢唯應洛水神

春閨思

雪盡萱抽葉風輕水變苔玉關音信斷又見發庭梅

春江曲

搖漾越江春相將采白蘋歸時不覺夜出浦月隨人

閨人贈遠五首

花明綺陌春柳拂御溝新為報遼陽客流芳一作光不待

人

遠成功名薄幽閨年貌傷妝成對春樹不語淚千行

形影一朝別煙波千里分君看望君處祇是起行雲

啼鶯一作鶯啼綠樹深語燕一作燕語雕梁晚不省出門行沙場

知近遠

洞房今夜月如練復如霜為照離人恨亭亭到曉光

從軍詞三首

戈

一作旂

甲從軍久風雲識陣難今朝拜韓信計日斬成

安

燕頷多奇相狼頭敢犯邊寄言班定遠正是立功年

旄頭夜落捷書飛來奏金門著賜衣白馬將軍頻破敵
黃龍戍卒幾時歸

塞下曲二首

辛勤幾出黃華戍迢遞初隨細柳營塞晚每愁殘月苦

邊愁更逐斷蓬驚

一作聲

年少辭家從冠軍
金妝寶劍去邀勲
不知馬骨傷寒水
唯見龍城起暮雲

平戎辭

太白秋高助發兵
長風夜卷虜塵清
男兒解却腰間劍
喜見從王道化平

遊春詞二首

曲江綠

一作絲

柳變煙條寒谷冰
隨暖氣銷纔見春光生

綺陌已聞清樂動雲韶

經過柳陌與桃蹊尋逐春光著處迷鳥度時時衝絮起
華繁袞袞壓枝低

秋思二首

網

一作絲

軒涼吹動輕衣夜聽更長玉漏柿月度天河光

轉濕鵲驚秋樹葉頻飛

宮連太液見滄波暑氣微消秋意多一夜清風蘋末起
露珠翻盡滿池荷

漢苑行

二月春風遍柳條
九天仙樂奏雲韶
蓬萊殿後一作殿後花
如錦紫閣階前雪未銷

秋夜曲

桂魄初生秋露微
輕羅已薄未更衣
銀箏夜久殷勤弄
心怯空房不忍歸

獻壽辭

宮殿參差列九重
祥雲瑞氣捧堦一作堦
濃微臣欲獻唐

堯壽遙指南山對袞龍

秋思贈遠二首

當年只自守空帷

一作閨

夢裏關山覺別離不見鄉書傳

鴈足唯看新月吐蛾眉

厭攀楊柳臨清閣閒採芙蓉傍碧潭走馬臺邊人不見

拂雲堆畔戰初酣

春閨思

一作閨人春思

愁見遊空百尺

一作丈

絲春風挽

一作惹

斷更傷離閒

一作桃

花落盡

一作
偏

青

一作
蒼

苔地盡日無人誰得知

宮詞三十首

存二十
七首

白

一作
內

人宜著紫衣裳冠子梳頭雙眼長新睡起來思

舊夢見人忘却道勝常

春來新抽翠雲釵尚著雲頭踏殿鞋欲得君王回一顧
爭扶玉輦下金階

五更初起覺風寒香炷燒來夜已殘欲卷珠簾驚雪滿
自將紅燭上樓看

各將金鎖鎖宮門院院青娥侍

一作侍

至尊頭白監門掌

來去問頻多是竅承恩

夜久盤中蠟滴稀金刀剪起盡霏霏傳聲總是君王喚

紅燭臺前著舞衣

箏翻禁曲覺聲難玉柱皆非舊處安記得君王曾道好

長因下輦得

一作竅

先彈

一叢高鬢綠雲光

一作宮

樣輕輕淡淡黃為看九天公

一作宮

主貴外邊爭學內家裝

宜春院裏駐仙輿，夜宴笙歌總不如。
傳索金箋題寵號，銓前御筆與親書。

永巷重門漸半開，宮官著鎖隔門回。
誰知曾笑他人處，今日將身自入來。

春風簾裏舊青娥，無奈新人奪寵多。
何寒食禁花開滿樹，玉堂終日閉時多。

碧繡簷前柳散垂，守門宮女欲攀時。
曾經玉輦從容處，不敢臨風折一枝。

鴉飛深在禁城牆多繞重樓複殿傍時向春簷瓦溝上

散開朝

一作雙

翅占朝光

白雪猧兒拂地行慣眠紅毯不曾驚深宮更有何人到
只曉金階吠晚螢

百尺仙梯倚閣邊內人爭下擲金錢風來競看銅烏轉
遙指朱干在半天

春風擺蕩禁花枝寒食鞦韆滿地時又落深宮石渠裏
盡隨流水入龍池

牆

一作雕

牆不斷接宮城金榜皆書殿院名萬轉千回相

隔處各調絃管對聞聲

霏霏春雨九重天漸暖龍池御柳煙玉輦遊時應不避
千廊萬屋自相連

禁門

一作前

煙起紫沉沉樓閣當中複道深長入暮天凝

不散掖庭宮裏動秋砧

炎炎夏日滿天時桐葉交加覆玉墀向晚移鐙上銀簾
叢叢綠鬢坐彈棋

曠曠日出大明宮
天樂遙聞在碧空
禁樹無風正和暖
玉樓金殿曉光中

迴出芙蓉閣上頭
九天懸處正當秋
年年七夕晴光裏
宮女穿針盡上樓

教來鸚鵡語初成
久閉金籠慣認名
總向春園看花去
獨於深院笑一作
喚人聲

銀瓶瀉水欲朝妝
燭焰紅高粉壁光
共怪滿衣珠翠冷
黃花瓦上有新霜

迎風殿裏罷雲和起聽新蟬步淺莎為愛九天和露滴
萬年枝上寂聲多

御果收時屬內官傍簷低壓玉闌干明朝摘向金華殿
盡日枝邊次第看

內裏松香滿殿聞四行階下暖氤氲春深欲取黃金粉
繞樹宮娥著絳裙

禁樹傳聲在九霄內中殘火獨遙遙千官待取門猶閉
未到宮前下馬橋

御定全唐詩卷三百四十六

欽定四庫全書

御定全唐詩卷三百四十七

賈稜

賈稜貞元八年進士第詩一首

御溝新柳

御苑陽和早章溝柳色新
託根偏近日布葉乍迎春
秀質方含翠清陰欲庇人
輕雲度斜景多露滴行塵
裏裏堪離贈依依獨望頻
王孫如可賞攀折在芳辰

劉遵古

劉遵古貞元八年進士第詩一首

御溝新柳

韶光先禁柳幾處覆溝新映水疑分翠含煙欲占春
悠遲日晚裏裏好風頻吐節茸猶嫩通條澤稍均遠和
瑤草色暗拂玉樓塵願假騫飛便歸棲及此辰

李正封

李正封官監察御史詩五首

洛陽清明日雨霽

曉日清明天夜來
嵩少雨十門尚煙火
九陌無塵土酒
綠河橋春漏閒
宮殿午遊人戀芳草
半犯嚴城鼓

詠露

霏霏靈液重雲表
無聲落霑樹急玄蟬灑
池棲皓鶴流
塵清遠陌飛月澄
高閣宵潤玉堂簾
曙寒一作貫金井索
佳人比珠淚坐感紅綃薄

夏遊招隱寺暴雨晚晴

竹栢風雨過

一作清風過

蕭疎臺殿涼石渠寫奔溜金刹照

顏陽鶴飛

一作去

巖煙碧鹿鳴澗草香山僧引清梵幡蓋

繞迴廊

禪門寺暮鐘

一作劉復詩

簷簷高懸于闐鐘黃昏發地殷龍宮遊人憶到嵩山夜

疊閣連樓倚太空

貢院樓北新栽小松

青蒼初得地華省植來新尚帶山中色猶含洞裏春近

樓依北戶隱砌淨遊塵鶴壽應成蓋龍形未有鱗為梁
資大厦封爵恥羸秦幸此觀光日清風屢得親

崔立之

崔立之貞元進士第詩三首

南至隔仗望含元殿香爐

千宮望長至萬國拜含元隔仗爐光出浮霜煙氣翻飄
飄紫內殿漠漠澹前軒聖日開如捧卿雲近欲渾輪困
灑宮闕蕭索散乾坤願倚天風便披香奉至尊

曲池潔寒流

閒尋歌岸步因向曲池看透底何澄徹迴流乍屈盤稍
隨高樹古迥與遠天寒月入鏡華轉星臨珠影攢纖鱗
時蔽石轉吹或生瀾頷假涓微效來濡拙筆端

賦得春風扇微和

時令忽已變年光俄又春高低惠風入遠近芳氣新靡
靡繞偃草泠泠不動塵溫和乍扇物煦嫗偏感人去出
桂林漫來過蕙圃頻晨輝正澹蕩披拂長相親

郭遵

郭遵貞元進士第詩二首

南至日隔仗望含元殿香爐

一作襄次元詩

冕旒親負宸舟服盡朝天暘谷移初日金爐出御煙
芬馨流遠近散漫入貂蟬霜仗凝逾白朱欄映轉鮮
如看浮闌在稍覺逐風遷為沐皇家慶來瞻羽衛前

賦得春風扇微和

微風飄淑氣散漫及茲晨習習何處至熙熙與春親
暖

空看早辨映日度逾頻高拂非煙雜低垂衆卉新霽天
輕有靄綺陌盡無塵還似登臺意元和欲煦人

韋紆

韋紆貞元進士第詩一首

賦得風動萬年枝

嘉名標萬祀擢秀出深宮嫩葉含煙靄芳柯振惠風參
差搖翠色綺靡舞晴空空氣稟禎祥異榮霑雨露同天年
方未極聖壽比應崇幸列華林裏知殊衆木中

樊陽源

樊陽源貞元進士第詩一首

賦得風動萬年枝

珍木羅前殿乘春任好風
振柯方裊裊舒葉乍濛濛
影動丹墀上聲傳紫禁中
離披偏向日凌亂半分空
輕拂祥煙散低搖翠色同
長令占天眷四氣借全功

許稷

許稷貞元進士第詩二首

賦得風動萬年枝

瓊樹偏春早
光飛處處宜
曉浮三殿日
暗度萬年枝
婀娜搖仙禁
繽紛翻映玉
池含芳煙
乍合拂砌影
初移為近
韶陽煦皆先
衆卉垂成陰
知可待不與
衆芳隨

閏月定四時

玉律窮三紀
推為積閏期
月餘因妙算
歲遍自成時
乍覺年華改
翻憐物候遲
六旬知不惑
四氣本無欺
月桂虧還正
階蓂落復滋
從斯分歷象
共仰定毫釐

范傳正

范傳正貞元中舉進士宏辭皆高第詩三首

謝真人還舊山

塵蓋從仙府笙歌入舊山水流丹竈缺雲起草堂關白
鹿行為衛青鸞舞自閒種松鱗未老移石蘚仍斑望路
煙霞外迴輿巖岫間豈唯遼海鶴空歎令威還

范成君擊洞陰磬

歷歷聞金奏微微下玉京為祥家謀久偏識洞陰名澹

佇人間聽鏗鏘古曲成何須百獸舞自暢九天情注目
看無見留心記未精雲霄如可托借鶴向層城

賦得春風扇微和

曖曖當遲日微微扇好風吹搖新葉上光動淺花中澹
蕩凝清晝氤氲暖碧空稍看生綠水已覺散芳叢徙倚
情偏適裊回賞未窮妍華不可狀竟夕氣融融

豆盧榮

豆盧榮貞元進士詩一首

賦得春風扇微和

春晴生縹緲軟吹和初遍池影動淵淪山容發蔥蒨遲
遲入綺閣習習流芳甸樹杪颺鶯啼堦前落花片韶光
忍閒放旭日宜遊宴文客拂塵衣仁風願迴扇

邵偃

邵偃貞元中進士詩一首

賦得春風扇微和

微風扇和氣韶景共芳晨始見郊原綠旋過御苑春三

條開廣陌八水泛通津煙動花間葉香流馬上人逶迤
雲彩曙嘹唳鳥聲頻為報東堂客明朝桂樹新

柳道倫

柳道倫貞元中進士詩一首

賦得春風扇微和

青陽初入律淑氣應春風始辨梅花裏俄分柳色中依
微開夕照澹蕩媚晴空拂水生蘋末經巖觸桂叢稍抽
蘭葉紫微吐杏花紅額逐仁風布將俾生植功

陳九流

陳九流貞元中進士詩一首

賦得春風扇微和

喜見陽和至遙知橐籥功遲遲散南陌裊裊逐東風暗

入芳園

一作畦

裊裊吹草木中蘭蓀纔有綠桃杏未成紅

已覺寒光盡還看淑氣通由來榮與悴今日發應同

夏方慶

夏方慶貞元中進士詩一首

謝真人仙駕還舊山

何年成道去綽約化童顏
天上辭仙侶人間憶舊山
滄桑今已變蘿蔓尚堪攀
雲覆瑤壇淨苔生丹竈閑
逍遙堪白石寂寞閉玄關
應是悲塵世思將羽駕還

欽定四庫全書

御定全唐詩卷三百四十八

陳羽

陳羽江東人登貞元進士第歷官樂宮尉佐詩一卷

公子行

金羈白面郎何處蹋青來
馬嬌郎半醉躑躅望樓臺
似見樓上人玲瓏窓戶開
隔花聞一笑落日不知回

古意

十三學繡羅衣裳自憐紅袖聞馨香人言此是嫁時服
含笑不刺雙鴛鴦郎年十九髭未生拜官天下聞郎名
車馬駢闐賀門館自然不失為公卿是時妾家猶未貧
兄弟出入雙車輪繁華全盛兩相敵與郎年少為婚姻
郎家居近御溝水豪門客盡躡珠履雕盤酒器常不乾
曉入中厨妾先起姑嫜嚴肅有規矩小姑嬌憨意難取
朝參暮拜白玉堂繡衣著盡黃金縷妾貌漸衰郎漸薄
時時強笑意索寞知郎本來無歲寒幾回掩淚看花落

妾年四十絲滿頭郎年五十封公侯男兒全盛日忘舊
銀牀羽帳空颼颼庭花紅遍蝴蝶飛看郎佩玉下朝時
歸來畧畧不相顧却令侍婢生光輝郎恨婦人易衰老
妾亦恨深不忍道看郎强健能幾時年過六十還枯槁

長相思

相思長

一作復

相思相思無限極相思苦相思相思損容

色容色真可惜相思不可徹日日長相思相思腸斷絕
腸斷絕淚還續閒人莫作相思曲

送戴端公赴容州

分命諸侯重歲飀繡服香八蠻治險阻

一作路

千騎蹋繁

霜山斷旌旗出天晴劒佩光還將小戴禮遠出化南方

送殷華之洪州

離堂悲楚調君奏豫章行愁處雪花白夢中江水清扣
船歌月色避浪宿猿聲還作經年別相思湖草生

春日晴原野望

東風吹煖氣消散入晴天漸變池塘色欲生楊柳煙蒙

葦花向月漚倒客經年鄉思應愁望江湖春水連

湘妃怨

舜欲省蠻陬南巡非逸遊九山沉白日二女泣滄洲目
極楚雲斷恨連湘水流至今聞鼓瑟咽絕不勝愁

冬晚送友人使西蕃

驛使向天西巡羌復入氐玉關晴有雪砂磧雨無泥落
淚軍中笛驚眠塞上雞逢春鄉思苦萬里草萋萋

春園卽事

水隔羣物遠夜深風起頻

一作頻

霜中十樹橘月下五湖

人聽鶴忽忘寢見山如得鄰明年還到此共看洞庭春

送友人及第歸江東

五陵春色泛花枝心醉花前遠別離落羽

一作第

恥為關

右客成名空羨里中兒都門雨歇愁分處山店燈殘夢

到時家住洞庭多釣伴因

一作同

來相賀話相思

梓州與溫商夜別

一作夜別
溫商梓州

鳳皇城裏花時別玄武江邊月下逢客舍莫辭先買酒

相門曾忝共

一作舊

登龍迎風騷屑千家竹隔水悠揚午

夜鐘明日又行西蜀路不堪天際遠山重

長安卧病秋夜言懷

九重門鎖禁城秋月過南宮漸映樓紫陌夜深槐露滴
碧空雲盡火星流清風刻漏傳三殿甲第歌鐘樂五侯
楚客病來鄉思苦寂寥燈下不勝愁

喜雪上竇相公

一作朱
灣詩

千門萬戶雪花浮點點無聲落瓦溝全似玉塵銷更積

半成冰水

一作片

結

一作約

還流光添

一作含

曙色連

一作清

天

遠

一作苑

輕逐春

一作微

風遶玉

一作御

樓平地已沾盈尺潤

年豐須荷

一作待

富人侯

宴楊駙馬山亭

一作朱灣詩

垂楊拂岸草茸茸繡戶窓前花影重
鱸下玉盤紅縷細

酒開金甕綠醅醲中朝駙馬何平叔
南國詞人陸士龍

落日泛舟同醉處迴潭百丈映千峯

西蜀送許中庸歸秦赴舉

春色華陽國秦人此別離
驛樓橫水影鄉路入花枝
日暖鶯飛好山晴馬去遲
劒門當石隘棧閣入雲危
獨鶴心千里貧交酒一卮
桂條攀偃蹇蘭葉藉參差
旅夢驚蝴蝶殘芳怨子規
碧霄今夜月惆悵上峨眉

小苑春望宮池柳色

一作御溝新柳

宛宛如絲柳含黃一望新
未成溝上暗且向日邊春
嫋娜方遮水低迷欲醉人
託空芳鬱鬱遂溜影鱗鱗
弄水滋宵露垂枝深夕塵
夾堤連太液還似映天津

中秋夜臨鏡湖望月

鏡裏秋宵望湖平，月彩深圓光珠入浦浮。
照鵲驚林澹

動

一作蕩

光還碎，嬋娟影不沈。遠時生岸曲，空處落波心。

迥徹輪初滿，孤明魄未侵。桂枝如可折，何惜夜登臨。

江上愁思二首

江上翁開門，開門向衰草。只知愁子孫，不覺生涯老。

江上草莖枯，莖枯葉復焦。那堪芳意盡，夜夜沒寒潮。

梁城老人

一作父

怨

一作司空曙詩

朝為耕種人暮作刀槍鬼相看父子血共染城濠水

送靈一上人

十年勞遠別一笑喜相逢又上青山去青山千萬重

經夫差廟

姑蘇城畔千年木刻作夫差廟裏神冠蓋寂寥塵滿室
不知簫鼓樂何人

九月十日即事

漢江天外東流去巴塞連山萬里秋節過重陽人病起

一枝殘菊不勝愁

夏日讌九華池贈主人

池上涼臺五月涼
百花開盡水芝香
黃金買酒邀詩客
醉倒簷前青玉牀

長安早春言志

九衢日暖樹蒼蒼
萬里吳人憶水鄉
漢主未曾親羽獵
不知將底諫君王

讀蘇屬國傳

天山西北居延海沙塞重重不見春腸斷帝鄉遙望日
節旄零落漢家臣

吳城覽古

吳王舊國水煙空香徑無人蘭葉紅春色似憐歌舞地
年年先發館娃宮

犍為城下夜泊聞夷歌

犍為城下牂牁路空冢灘西賈客舟此夜可憐江上月
夷歌銅鼓不勝愁

和王中丞使君春日過高評事幽居

風光滿路旗旛出林下
高人待使君笑藉紫蘭相向醉
野花千樹落紛紛

和王中丞中和日

節應中和天地晴
繁弦疊鼓動高城
漢家分刺諸侯貴
一曲陽春江水清

同韋中丞花下夜飲贈歌人

銀燭煌煌半醉人
嬌歌宛轉動朱脣
繁花落盡春風裏

繡被郎官不負春

若耶溪逢陸澧

溪上春晴聊看竹
誰言驛使此相逢
擔簦躡屐仍多病
笑殺雲間陸士龍

夜泊荆溪

小雪已晴蘆葉暗
長波乍急鶴聲嘶
孤舟一夜宿流水
眼看山頭月落溪

南山別僧

惆悵人間多別離
梅花滿眼獨行時
無家度日多為客
欲共山僧何處期

戲題山居二首

雲蓋秋松幽洞近
水穿危石亂山深
門前自有千竿竹
免向人家看竹林

雖有柴門長不關
片雲高木共身閒
猶嫌住久人知處
見欲移居更上山

山中秋夜喜周士閑見過

青山高處上不易白雲深處行亦難留君不宿對秋月
莫厭山空泉石寒

過櫟陽山谿

衆草穿沙芳色齊蹋莎行草過春谿閑雲相引上山去
人到山頭雲却低

姑蘇臺懷古

憶昔吳王爭霸日歌鐘滿地上高臺三千宮女看花處
人盡臺崩花自開

將歸舊山留別

相共遊梁今獨還
異鄉搖落憶空山
信陵死後無公子
徒向夷門學抱關

遊洞靈觀

初訪西城禮少君
獨行深入洞天雲
風吹青桂寒花落
香繞仙壇處處聞

旅次沔陽聞克復
而用師者窮兵黷武
因書簡之

江上煙消漢水清
王師大破綠林兵
干戈用盡人成血
韓信空傳壯士名

湘君祠

一作湘妃怨

二妃怨處雲沈沈
二妃哭處湘水深
商人酒滴廟前草

蕭索

一作風

風生斑竹林

送辛吉甫常州覲省

辛一作章

西去蘭陵家不遠
到家還及採蘭時
新年送客我為客
惆悵門前黃柳絲

題舞花山大師遺居

西過流沙歸路長
一生遺迹在東方
空堂寂寞閉燈影
風動四山松柏香

廣陵秋夜對月卽事

霜落寒空月上樓
月中歌吹

一作飲唱

滿揚州
相看醉舞倡

樓月不覺隋家陵樹秋

早秋漉水送人歸越

涼葉蕭蕭生遠風
曉鷗飛度望春宮
越人歸去一搖首

落一作腸斷馬嘶秋水東

小江驛送陸侍御歸湖上山

鶴唳天邊秋水空
荻花蘆葉起西風
今夜渡江一作渡頭何

處宿會稽山在月明中

送李德輿歸穿石洞山居

烏巾年少歸何處
一片綵霞仙洞中
惆悵別時花似雪
行人不肯醉春風

酬幽居閑上人喜及第後見贈

九霄心在勞相問四十年間豈足驚風動自然雲出岫
高僧不用笑浮生

洛下贈徹公

天竺沙門洛下逢請為同社笑相容支頤忽望碧雲裏
心愛嵩山第幾重

觀朱舍人歸葬吳中

翩翩絳旆寒流上行引東歸萬里魂幾處州人臨水哭
共看遺草有王言

題清鏡寺留別

路入千山愁自知
雪花撩亂壓松枝
世人並道離別苦
誰信山僧輕別離

從軍行

海畔風吹凍泥裂
枯桐葉落枝梢折
橫笛聞聲不見人
紅旗直上天山雪

宿淮陰作

秋燈點點淮陰市
楚客聯檣宿淮水
夜深風起魚鼈腥

韓信祠堂明月裏

春日南山行

處處看山不可行
野花相向笑無成
長嫌為客過州縣
漸被時人識姓名

步虛詞二首

漢武清齋讀典書

一作太

官扶上畫雲車壇上月明宮

殿閉仰看星斗禮空虛

樓殿層層阿母家
崑崙山頂駐紅霞
笙歌出見穆天子

相引笑看琪樹花

襄陽過孟浩然舊居

襄陽城郭春風起
漢水東流去不還
孟子死來江樹老
煙霞猶在鹿門山

送友人遊嵩山

嵩山歸路遶天壇
雪影松聲滿谷寒
君見九龍潭上月
莫辭清夜訪袁安

一作水中看

伏翼西洞送夏方慶

洞裏春晴花正開
看花出洞幾時迴
殷勤好去武陵客
莫引世人相逐來

贈人

或擢孤舟或杖藜
尋常適意釣長溪
草堂竹徑在何處
落日孤煙寒渚西

句

稚子新能編筍笠
山妻舊解補荷衣
秋山隔岸清猿叫

湖水當門白鳥飛

見錦繡
萬花谷

御定全唐詩卷三百四十八

欽定四庫全書

御定全唐詩卷三百四十九

歐陽詹

歐陽詹字行周晉江人常袞薦之始舉進士閩人擢第
自詹始官國子監四門助教集十卷今編詩一卷

東風二章

并序

東風美隴西公也貞元十二年相國東都守隴西
董公牧於浚浚軍自勦淮夷二孽

靈曜
希烈

矜功多悖

師用匪律人亦由殘隴西公和為謀輿仁為化車
既去先渠黎毗以蘇東風解凝發蟄之不若作東
風詩二章首美去先渠也其卒章美蘇毗也

東風叶時匪沃匪飄莫雪凝川莫陰沍郊朝不徯夕乃
銷東風之行地上兮上德臨慝匪戮匪梟莫暴在野莫
醜在階以踣以殲夕不徯朝隴西公來浚都兮

東風叶時匪鑿匪穢莫蟄在泉莫枯在條宵不徯晨乃
繇東風之行地上兮上德為政匪食匪招莫顧於家莫

流於遼以飽以迴晨不徯宵隴西公來浚都兮

有所恨二章

并序

有所恨由故人馬紳死而興也予待試京師六年
與馬生相知者四秋性與情相合也衣與食相同
也予及第歸覲故園自別來無憶不至于襟懷無
想不至於姿容願一促膝慙如也昨既至止馬生
且疾巫者忌以見人曰不見即愈見即害遂忍即
見庶以求見忍者五日馬生云亡噫故人也昔越

萬里猶求見焉惑乎一言蔽乎一垣而死生以之
死生之道千秋之離也五日之面半旬之歡也尚
可半旬之歡不就而卒甘千秋之離一恨也又與
生別摻執都門生脫紫羅半臂曰即日相去秦吳
聊以為憶予貧也素乏衣服不暇藏篋笥聯綿在
身二年間同弊帛以棄所以新而輕著故而不留
者予實未衰焉其方少爾斯謂日相與也所留何
止在茲乎今人既往所贈又造次而亡之二恨也

申二恨為有所恨二章云

相思君子吁嗟萬里亦既至止曷不覲止本不信巫謂
巫言是履在門五日如待之死有所恨兮

相思遺衣為憶以貽亦既受止曷不保持本不欺友謂
友情是違隔生之贈造次亡之有所恨兮

玩月 并序

月可玩玩月古也謝賦鮑詩朧之庭前亮之樓中
皆玩月也貞元十二年甌閩君子陳可封遊在秦

寓于永崇里華陽觀予與鄉人安陽邵楚長濟南
林蘊潁川陳詡亦旅長安秋八月十五夜詣陳之
居修厥玩事月之為玩冬則繁霜大寒夏則蒸雲
大熱雲蔽月霜侵人蔽與侵俱害乎玩秋之於時
後夏先冬八月于秋季始孟終十五于夜又月之
中稽于天道則寒暑均取于月數則蟾兔圓況埃
塏不流大空悠悠嬋娟裴回桂華上浮昇東林入
西樓肌骨與之疎涼神氣與之清冷四君子悅而

相謂曰斯古人所以為玩也既得古人所玩之意
宜襲古人所玩之事作玩月詩云

八月十五夕舊嘉蟾兔光斯從古人好共下今宵堂素
魄皎孤凝芳輝紛四揚裊回林上頭泛灩天中央皓露
助流華輕風佐浮涼清冷到肌骨潔白盈衣裳惜此苦
宜玩攬之非可將含情顧廣庭願勿沈西方

詠德上韋檢察

即韋相臯之弟也名縑

少華類太華太室似少室亞相與丞相亦復無異質淳

如月臨水肅若松照日輝影互光澄陰森兩蔥鬱連城
鸞鳳分同氣龜龍出併力革夷心通籌整師律英豪願
迴席蠻貊皆屈膝中外行分途褰瀛待一作清謚

寓興

桃李有奇質樗櫟無妙姿皆承慶雲沃一種春風吹美
惡苟同歸喧囂徒爾為相將任玄造聊醉手中卮

答韓十八駕驥吟

韓詩云駕駘誠齷齪市者何其稠

故人舒其憤昨示駕驥篇駕以一作取易售陳驥以難知

言委曲感既深咨嗟詞亦殷伊情有遠瀾余志遜其源
室在周孔堂道通堯舜門調雅聲寡同途遐勢難翻顧
茲萬恨來假彼二物云賤貴而貴賤世人良共然已

一作

芭蕉一葉妖莢葵一花妍畢

一作異

無才實資手植堦墀

前榎栴十圍瑰松栢百尺堅罔念梁棟功野長丘墟邊
傷哉昌黎韓焉得不迍邐上帝本厚生大君方建元寶

一作實

將庇羣眚庶此規崇軒班爾圖永安掄擇期精專

君看廣厦中豈有樹庭

一作庭前萱

益昌行

并序

貞元年中天子以工部郎中興元少尹吳興陸

一作

次公長源牧利州其為政五年予旅遊于利觀人

安俗阜欽所以美作詩一章利故益昌郡也目之

曰益昌行

驅馬至益昌倍驚風俗和耕夫隴上謠負者途中歌處
處川復原重重山與河人煙遍餘田時稼無閒坡間業
一何修太守德化加問身一何安太守恩懷多賢哉我

太守在古無以過愛人甚愛身

一作子

治郡如治家雲雷

既奮騰草木遂萌芽乃知良二千德足為國華今時固
精求漢帝非徒嗟四海有青春衆植佇揚葩期當作說
霖天下同霽霓

自淮中

一作懷州

却赴洛途中作

惆悵策疲馬孤蓬被風吹昨東今又西冉冉長路岐歲
晚樹無葉夜寒霜滿枝旅人恒苦辛冥冥天何知

晨裝行

村店月西出

一作入

山林鷓鴣聲旅燈

一作裝

徹夜席東囊

事晨征寂寂人尚眠悠悠天未明豈無偃息心所務前有程

新都行

縹緲空中絲蒙籠道傍樹翻茲葉間吹惹破花上露悠揚絲意去萼萌花枝住何計脫纏綿天長春日暮

銅雀妓

蕭條登古臺迴首黃金屋落葉不歸林高陵永為谷妝

容徒自麗舞態閱誰目惆悵總帷空

一作鳴咽
總帳前

歌聲苦

於哭

太原旅懷呈薛十八侍御齊十二奉禮

前來稱英雋有食主人魚後來曰賢才又受主人車伊

予亦投刺恩煦胡凋疎既覩主人面復見

一作獻

主人書

餬口百家周賃廡三月餘眼見寒序臻坐送秋光除西

日愁飢腸北風疾

一作集

絺裾升堂有知音此意當何如

李評事公進示文集因贈之

風雅不墜地五言始君先希微嘉會章杳冥河梁篇理
蔓語無枝言一意則十往來更後人澆蕩醜前源傾筐
實不收樸檄華爭繁大教護微旨括人生令孫高飈激
頽波坐使橫流翻昔日越重阻側聆滄海傳逮茲覲清
揚幸覩青琅編泠泠中山醇片片崑丘璠一杯有餘味
再覽增光鮮對寶人一作豈皆鑒握輦良自妍吾其告先
師六義今還全

徐十八晦落第

嘉穀不夏熟大器當晚成徐生異凡鳥安得非時鳴汲
汲有所為驅驅無本情懿哉蒼梧鳳終見排雲征

春日途中寄故園所親

客路度年華故園云未

一作未云

返悠悠去源水日日只有

遠始歎秋葉零又看春草晚寄書南飛鴻相憶劇鄉縣

蜀中將歸留辭韓

一作韋

相公貫之

寧體即雲構方前恒玉食貧居豈及此要自

一作欲

懷歸

憶在夢關山遠如流歲華逼明晨首鄉路迢遞孤飛翼

江夏留別華二

一作別辛三十時自襄陽同舟而下予歸闕從此赴舉

弭棹已傷別不堪離緒催十年一心人千里同舟來鄉路我尚遙客遊

一作程

君未回將何慰兩端互勉臨岐杯

送潭州陸戶曹之任

戶曹自處州司倉除

三語又為掾大家聞屈聲多年名下人四姓江南英衡嶽半天秀湘潭無底清何言驅車遠去有蒙莊情

福州送鄭楚材赴京時監察劉公亮有感激鄭意

美人河嶽靈家本榮水漬門承若蘭族身蘊如瓊文早
折青桂枝俯窺鴻鵠羣邇來丹霄姿遠逐蒼梧雲有伊
光鑒人惜茲瑤蕙薰中酣前激昂四座同氛氲海郡梅
靈晴山郵炎景曛迴翔罷南遊鳴唳期西聞秦塞鸞鳳
征越江雲雨分從茲一別離佇致如堯君

初發太原途中寄太原所思

驅馬覺漸遠迴頭長路塵高城已不見況復城中人去
意自未甘居情諒猶辛五原一作萬里東北晉千里西南秦

一屨

一作履

不出門一車無停輪萍與繫匏早晚期相

親

汝川行

汝墳春女蠶忙月朝起採桑日西沒輕綃裙露紅羅襪
半跣金梯倚枝歌垂空玉腕若無骨映葉朱唇似花發
相歡誰是遊冶郎蠶休不得岐路旁

智達上人水精念珠歌

水已清中不易當其精精華極何宜更復加磨拭良

工磨拭成貫珠泓澄洞徹看如無星輝月耀莫之逾駭
雖照來徒稱殊上人念佛泛貞諦一佛一珠以為計既
指其珠當佛身亦欲珠明佛像智咨董母訪朱公得之
玃璅羣奇中龍龕驚嶺長隨躬朝自守持纖掌透夜來
月照紅條空窮川極陸難為寶孰說琤璫將瑪瑙連連
寒溜下陰軒熒熒泣露垂秋草皎晶晶彰煌煌陸離電
燐紛不常凌眸暈目生光芒我來借問修行術數日殷
勤美茲物上人視日授微言心靜如斯即諸佛

許州途中

秦川行盡潁川長，吳江越嶺已同方。
征途渺渺煙茫茫，未得還鄉傷近鄉。
隨萍逐梗見春光，行樂登臺關在旁。
林間啼鳥野中芳，有似故園皆斷腸。

賦得秋河曙耿耿送郭秀才應舉

月沒天欲明，秋河尚凝白。
皚皚積光素，耿耿橫虛碧。
南斗接北辰，連空濛鴻洞。

一作同

浮高天，蕩蕩漫漫皆晶然。

實類平蕪流大川，星為潭底珠。
雲是波中煙，雞唱漏盡

東方作曲渚蒼蒼曉霜落鴈叫疑從清淺驚鳬聲似在
沿洄泊并州細侯直下孫才應秋賦懷金門念排雲漢
將飛翻仰之踴躍當華軒夜來陪餞歐陽子偶坐通宵
見深肯心知慷慨日一作目昭然一作回前程心在青雲裏

送袁秀才下第歸毘陵

羸馬出都門修途指江東關河昨夜雨草木非春風矢
捨雖未中璞全終待攻層霄秋可翔豈不隨高鴻

聞鄰舍唱涼州有所思

有善伊涼曲離別在天涯虛堂正相思所妙發鄰家聲
音雖類聞形影終以遐因之增遠懷惆悵菖蒲花

陪太原鄭行軍中丞登汾上閣中丞詩曰汾樓
秋水闊宛似到閭門惆悵江湖思惟將南客論
南客即詹也輒書即事上荅

并州汾上閣登望似吳閭貫郭河通路縈村水逼鄉城
槐臨枉渚巷市接飛梁莫論江湖思南人正斷腸

送少微上人歸德峯

不負人間累棲身任所從
灰心聞密行菜色見羸容
幻

世方同悟

一作悞

深居願繼踪孤雲與禪誦
到後在何峯

荆南夏夜水樓懷昭邱直上人雲夢李莘

無機成旅逸中夜上江樓
雲盡月如練水涼風似秋
鳬聲聞夢澤黛色上昭邱
不遠人情在良宵恨獨遊

酬裴十二秀才孩子詠

算日未成年英姿已褻然
王家千里後荀氏八龍先
蔥蒨松猶嫩清明月漸圓
將何一枝桂容易賞名賢

旅次舟中對月寄姜公

此公丁泉州門客

中霄天色淨片月出滄洲皎潔臨孤島
嬋娟入亂流應同故園夜獨起異鄉愁
那得休逢轉從君上庾樓

除夜長安客舍

十上書仍寢如流歲又遷望家思獻壽
箕甲恨長年虛牖傳寒柝孤燈照絕編
誰應問窮轍泣盡更潸然

早秋登慈恩寺塔

寶塔過千仞登臨盡四維毫端分馬頰
墨點辨蛾眉地

迥風彌繁天長日久遲因高欲有賦遠意慘生悲

太原和嚴長官八月十五日夜西山童子上方

玩月寄中丞少尹

西寺碧雲端
東溟白雪團
年來一夜玩
君在半天看
素魄當懷上
清光在下寒
宜裁濟江什
有阻惠連歡

九日廣陵同陳十五先輩登高懷林十二先輩

客路重陽日
登高寄上樓
風煙今令節
臺閣古雄州
泛菊聊斟酒
持萸懶插頭
情人共惆悵
良久不同遊

題嚴光釣臺

弭棹歷塵跡悄然關我情伊無昔時節豈有今日名辭
貴不辭賤是心誰復行欽哉此溪曲永獨古風清

一作英風

聲

送高士安下第歸岷南寧觀

偕隱有賢親岷南四十春棲雲自匪石觀國暫同塵就
養思兒戲延年愛鳥伸還看謝時去

一作筆

有類

一作又作

穎

陽人

述德上興元嚴僕射

山橫碧立並雄岷大阜洪川共降神
心合雲雷清禍亂力迴天地作陽春
非熊德媿當周輔稱傑叨慙首漢臣
何幸腐儒無一藝得為門下食魚人

及第後訓故園親故

才非天授學非師以此成名曩豈期
楊葉射頻因偶中桂枝材美敢當之
稱文作藝方慙德相賀投篇料媿詞
猶著褐衣何足羨如君即是載鳴時

題華十二判官汝州宅內亭

并序

覩居處玩好則才不才了然可知如華斯亭華豈
常人與規畫既高巧塤有潔媚以花草清以竹木
綺罰菴澹琅玕森然牆外人寰入門雲林使人心
以之間神以之遠華朝於斯夕於斯心不朗神不
王其可得乎則虛廓其靈恬澹其性由才不才矣
非逃名遠世方曰冥搜賢哉華未展襟懷視於斯
則昭然在前矣予既遊且尚詩以美之衆君子其

以為然亦宜相廣詩曰

高居勝景誰能有佳意幽情共可歡
新柳遶隋青翡翠
修篁浮徑碧琅玕步兵阮籍空除屏
彭澤陶潛謾挂冠
只在城隍也趨府豈如吾子道斯安

薛舍人使君觀察韓判官侍御許雨晴到所居
既霽先呈即事

江臯昨夜雨收梅

江南夏雨曰梅

寂寂衡門與釣臺西島落花

隨水至前山飛鳥出雲來觀風駟馬能言駐行縣雙旌

許暫迴豈不偶然聊為竹空令石逕掃莓苔

元日陪早朝

斗柄東迴歲又新
遽旒南面挹來賓
和光髣髴樓臺曉
休氣氤氲天地春
儀籥不唯丹穴鳥
稱觴半是越裳人
江臯腐草今何幸
亦與恒星拱北辰

和太原鄭中丞登龍興寺閣

青窓朱戶半天開
極目凝神望幾迴
晉國頽墉生草樹
皇家瑞氣在樓臺
千條水入黃河去
萬點山從紫塞來

獨恨侍遊違長者不知高意是誰陪

詠德上太原李尚書

那以公方郭細侯并州非復舊并州九重帝宅司丹地
十萬兵樞擁碧油鏘玉半為趨閣吏腰金皆是走庭流

王褒見

一作頌

德空知頌

一作感

身在三千最上頭

和嚴長官秋日登太原龍興寺閣野望

百丈化城樓君登最上頭九霄回棧路八到視并州煙
火遺堯庶山河啟聖猷短垣齊介嶺片白指分一作汾流

清鐸中天籟哀鳴下界秋境閒知道勝心遠見名浮豈
念乘肥馬方應駕大牛自憐蓬逐吹不得與良遊

小苑春望宮池柳色

一作御溝新柳

東風韶景至垂柳御溝新媚作十門秀連為一道春柔
萋生女指嫩葉長龍鱗舞絮迴青岸翻煙拂綠蘋王孫
初命賞佳客欲傷神芳意堪相贈一枝先一作光遠人

蜀門與林蘊分路後屢有山川似閩中因寄林
蘊蘊亦閩人也

村步如延壽川原似福平無人相共一作與識獨自故鄉

情

延壽蘊之別墅
福平余之別墅

讀周太公傳

論兵去商虐講德興周道屠沽未遇時豈異茲川老

樂津店北陂

嬋娟有麗玉如也美笑當予繫予馬羅幃碧簾豈相容
行到山頭憶山下

出蜀門

北客今朝出蜀門
脩然領得入時魂
遊人莫道歸來易
三不曾聞古老言

題第五司戶侍御

曾稱野鶴比羣公
忽作長松向府中
驄馬不騎人不識
冷然三尺別生風

建溪行待陳詡

予先發福州陳續
發中路待之不得

偕行那得會心期
先者貪前後者遲
空憶麗詞能狀物
每看奇異但相思

述德上興元嚴僕射

一本無述德興元四字

推車閭外主恩新今日梁川草遍春玉色據鞍雙節下

揚兵百萬

一作里

路無塵

許州送張中丞出臨潁鎮

心誦陰符口不言風驅千騎出轅門孫吳去後無長策
誰敵留侯直下孫

觀亡友

一本有李三十觀姊歸鎮壁

題詩處

舊友親題壁上詩傷看緣跡不緣詞門前猶是長安道

無復迴車下筆時

題秦嶺

南下斯須隔帝鄉
北行一步掩南方
悠悠煙景兩邊意
蜀客秦人各斷腸

自南山却赴京師石臼嶺頭即事寄嚴僕射

鳥企蛇盤地半天
下窺千仞到浮煙
因高回望沾恩處
認得梁州落日邊

與洪孺卿自梁州迴途中經駱谷見野果有閩

中懸壺子即同採摘因呈之洪亦閩人

青苞朱實忽離離
摘得盈筐淚更垂
上德同之豈無意
故園山路一枝枝

韋晤宅聽歌

服製虹霓鬢似雲
蕭郎屋裏上清人
等閒逐酒傾杯樂
飛盡虹梁一夜塵

與林蘊同之蜀途次嘉陵江認得越鳥聲呈林
林亦閩中人也

正是閩中越鳥聲，幾回留聽暗沾纓。
傷心激念君深淺，共有離鄉萬里情。

送聞上人遊嵩山

二室峯峯昔願遊，從雲從鶴思悠悠。
丹梯石路君先去，為上青冥最上頭。

永一作承安寺照上人房

草席蒲團不掃塵，松閑石上似無人。
羣一作峯陰欲午鐘聲動，自煮溪蔬養幻身。

山中老僧

笑向來人話古時
繩牀竹杖自扶持
秋深頭冷不能剃
白黑蒼然髮到眉

贈魯山李明府

外戶通宵不閉關
抱孫弄子萬家門
若將邑號稱賢宰

又是皇唐李魯山

以前有賢令
元魯山也

泉州赴上都留別舍弟及故人

天長地濶多歧路
身即飛蓬共水萍
足馬將驅宜容易

弟兄親故滿離亭

送張驃騎邠寧行營

寶馬琱弓金僕姑
龍驤虎視出皇都
揚鞭莫怪輕胡虜
曾在漁陽敵萬夫

題梨嶺

南北風煙即異方
連峯危棧倚蒼蒼
猿咽水偏高處
誰不沾衣望故鄉

秋夜寄僧

一作秋夜寄
弘濟上人

尚被浮名誘此身
今時誰與德為鄰
遙知是夜檀溪上
月照千峯為一人

觀送葬

何事悲酸淚滿巾
浮生共是北邙塵
他時不見北山路
死者還曾哭送人

宿建溪中宵即事

隆窮一席眠還坐
蛙噪螢飛夜未央
僮僕舟人空寂寂
隔簾微月入中倉

題王明府郊亭

日日郊亭啟竹扉
論桑勸穡是常機
山城要得牛羊下
方與農人分背歸

塞上行

聞說胡兵欲利秋
昨來投筆到營州
驍雄已許將軍用
邊塞無勞天子憂

題別業

一作迴別業留
別郭中諸公

千山江上背斜暉
一徑中峯見所歸
不信扁舟迴在晚

宿雲先已到柴扉

九日廣陵登高懷邵二先輩

簪萸泛菊俯平阡
飲過三杯却惘然
十歲此辰同醉友
登高各處已三年

題延平劍潭

想象精靈欲見難
通津一去水漫漫
空餘昔日凌霜色

長與澄潭生晝

一作白日寒

晚泊漳州營頭亭

迴峯疊嶂遶庭隅散點煙霞勝畫圖日暮華軒卷長箔
太清雲上對蓬壺

贈山南嚴兵馬使

即僕射堂弟也

為鴈為鴻弟與兄如鵬如鷄傑連英天旋地轉煙雲黑
共鼓長風六合清


除夜侍酒呈諸兄示舍弟

莫歎明朝又一春相看堪共貴

一作賞

茲身悠悠寰宇同

今夜膝下傳杯有幾人



御定全唐詩卷三百四十九